



## KENYATAAN MEDIA

11 Mac 2016

### **UniMAPCare Clinic Mulakan Operasi 16 Jam**

Kangar, 11 Mac: Klinik UniMAPCare (UniMAPCare) telah memperolehi kelulusan dari Cawangan Kawalan Amalan Perubatan Swasta, Kementerian Kesihatan Malaysia (KKM), untuk beroperasi selama 16 jam bermula 7 Mac 2016 lalu.

Pengerusi Lembaga Pengarah UniMAPCare, Brig. Jen. Datuk Prof. Emeritus Kamarudin Hussin, berkata, UniMAPCare yang dibuka kepada orang awam memulakan operasi pada 1 Disember tahun lalu dari jam 8 hingga 5 petang.

“Kita amat bersyukur dengan kelulusan ini, dan berharap akan dapat memberikan perkhidmatan kesihatan yang terbaik kepada warga Perlis.

“UniMAPCare mempunyai satu-satunya doktor kesihatan pekerjaan (Occupational Health) di negeri ini, dan dengan pertambahan seorang lagi doktor dalam bidang Obstetrik dan Ginekologi atau sakit puan, saya yakin akan memberikan nilai tambah kepada kami,” katanya ketika berucap pada Majlis Doa Selamat UniMAPCare, di sini semalam.

Turut hadir, Timbalan Naib Canselor Akademik dan Antarabangsa Universiti Malaysia Perlis (UniMAP), Dato’ Prof. Dr. Zul Azhar Zahid Jamal, Timbalan Naib Canselor Hal Ehwal Pelajar dan Alumni (HEPA) UniMAP, Prof. Madya Dr. Mohd Foad Sakdan dan Ketua Pegawai Eksekutif UniMAP Holdings Sdn. Bhd. Baharudin Majid.

Menurutnya, antara perkhidmatan yang ditawarkan UniMAPCare adalah perkhidmatan pesakit luar, pembedahan kecil, pemeriksaan kesihatan, fisioterapi, kaunseling, *Hyperbaric Oxygen Therapy* dan *External Counter Pulsation Therapy*.

“UniMAPCare kini sedang merancang untuk menambah perkhidmatan ibu mengandung dan bayi, perkhidmatan ultrasound 3D dan 4D, klinik wanita, vaksinasi dan lain-lain lagi.

“Kita merancang untuk mengadakan majlis pelancaran Klinik UniMAPCare ini pada pertengahan April yang akan disempurnakan Canselor UniMAP, Tuanku Syed Faizuddin Putra Jamalullail,”katanya.

**Dikeluarkan Oleh :**

**Mohd Basri Basir ([mbasri@unimap.edu.my](mailto:mbasri@unimap.edu.my))**

Penolong Pegawai Perhubungan Media UniMAP